



Broj: 05-34-312-45/09
Datum, 05.05.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 07.05.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-48/09			

**PARLAMENTARNA SKUPŠTINA BOSNE I HERCEGOVINE
PREDSTAVNIČKI / ZASTUPNIČKI DOM
SARAJEVO**

Veza: naš akt broj 01-50-1-15-48/09 od 23.03.2009. godine

Poslaničko pitanje:

Aktom veze zahtijevali ste od Agencije za državnu službu davanje odgovora na pitanje koje je poslanik Lazar Prodanović, postavio na 48.sjednici tog doma, a koje glasi: "Želim da mi se dostavi koliki broj je zaposlenih službenika u prošloj godini primljen putem konkursa u Agenciji za državnu službu i u kojim institucijama i koliko je od tog broja ranije radilo na radnim mjestima za koje je raspisan konkurs.".

Odgovor na postavljeno pitanje:

U 2008.godini putem javnog konkursa raspisanog i provedenog od strane Agencije za državnu službu primljeno je ukupno 559 državnih službenika u 40 institucija Bosne i Hercegovine i to na radna mjesta u:

Ministarstvo sigurnosti BiH; Ministarstvo finansija i trezora BiH; Ministarstvo za ljudska prava i izbjeglice BiH; Parlamentarnu skupštinu BiH-Sekretarijat; Odbor državne službe za žalbe; Ministarstvo vanjskih poslova BiH; Institut za mjeriteljstvo BiH; Državnu agenciju za istrage i zaštitu Ministarstva sigurnosti BiH; Centar za uklanjanje mina u BiH; Agenciju za promociju stranih ulaganja BiH (FIPA); Visoko sudsko i tužilačko vijeće BiH – Sekretarijat; Ministarstvo vanjske trgovine i ekonomskih odnosa BiH; Agenciju za osiguranje u BiH; Ministarstvo transporta i komunikacija BiH; Institut za standardizaciju BiH; Agenciju za javne nabavke BiH; Direkciju za civilnu avijaciju BiH Ministarstva komunikacija i transporta BiH; Ured za zakonodavstvo BiH Vijeća ministara BiH; Ministarstvo civilnih poslova BiH; Institut za intelektualno vlasništvo BiH; Generalni sekretarijat Vijeća ministara BiH; Direkciju za evropske integracije Vijeća ministara BiH; Službu za zajedničke poslove institucija BiH; Službu za poslove sa strancima Ministarstva sigurnosti BiH; Centralnu izborna komisija BiH – Sekretarijat; Konkurencijsko vijeće BiH; Ministarstvo pravde BiH; Agenciju za statistiku BiH; Ured za veterinarstvo BiH; Graničnu policiju BiH Ministarstva sigurnosti BiH; Ured koordinatora za reformu javne uprave u Uredu predsjedavajućeg Vijeća ministara BiH; Fond za povratak BiH ; Komisiju za nacionalne spomenike BiH; Agenciju za nadzor nad tržištem BiH; Upravni odbor Uprave za indirektno oporezivanje BiH; Direkciju za ekonomsko planiranje BiH; Upravu BiH za zaštitu zdravlja bilja; Agenciju za rad i zapošljavanje BiH; Arhiv BiH; Predsjedništvo BiH-Sekretarijat.

Imajući u vidu da Agencija za državnu službu uopšte nije upoznata niti je učestvovala u prijemu lica na pozicije državnog službenika na osnovu ugovora o radu, niti za to ima bilo kakvog zakonskog ovlašćenja, te samim tim i ne raspolaže sa podacima o takvom načinu prijema u institucije BiH, zahtjevala je od svih institucija BiH (40) za koje je u 2008. godini provela proceduru prijema u državnu službu putem konkursa, koje je inače Agencija u skladu sa zakonom raspisala, da dostave podatak o broju službenika koji su na taj način zasnovali radni odnos u državnoj službi, odnosno koji su prethodno radili na radnim mjestima za koje je kasnije raspisan javni oglas za prijem u državnu službu.

Prema podacima koje je Agencija dobila od odnosnih institucija, od ukupno 559 navedena državna službenika, 72 je prethodno na osnovu ugovora o radu ili dr. pravnog posla radilo u tim institucijama BiH na istim radnim mjestima.

NAPOMENA: U ovom odgovoru nisu se unosili a niti tražili podaci za pripravnike, koji su nakon obavljenog pripravnikog staža putem javnog oglasa raspisanog putem ove Agencije, zasnovali radni odnos u državnoj službi institucija Bosne i Hercegovine.

S poštovanjem,

Dostavljeno:

- naslovu
- a/a



DIREKTOR

Neven Akšamija